

330.73

944

澄海縣鄉
土韻言

陳冠三題

書

號

函 1 冊

登錄號 86573

重 陽 節 出 版
中 華 民 國 甲 寅 年

甲寅仲秋

雅齡寶笈

夢初陳庚題

序

韻言之作所以令童稚便口讀也童稚離襁褓後漸能言語卽漸解土歌此時授以各種韻言不難順口而道且無嗜慾以紛擾其心尤易強識至於鄉土之書尤足令人不買買於桑梓之事物不然生斯長斯卽一至近之最瑣最屑者問之尙冥然不知何以責諸遠者大者乎所以少而誦習長則豁然貫通觸類引伸由此達彼舉父母之邦凡山川物產疆界沿革風土人情

具

與夫先賢後進語言文字古往今來無不了然於中不特小子有所裨益卽成人亦無不可以此廣見聞資學問焉此澄海鄉土韻言所由昉也胞棣嶧岳其中材頗勤學讀書之外鄉事族事概不干與補弟子員後更勲勲懇懇手不釋編罷制科後猶一意授徒課餘參考郡邑各誌不少懈中寅清和出此卷以質余前後翻閱嘉其可作家傳而於鄉村童蒙不無小補因思心血所在勿視爲不足重輕之書而必防其散失

非敢藉以問世也爰囑其付劖劂并草數言以
弁其首

澄海蘇北岱山閤然退叟胞
兄舜蘊生氏題於振德學校



序

余自束髮受書已冠嘗與童子塲春風不得意
降志學爲商旋而永執醫業蓋自先王父迨予
然經三世醫書而外諸書亦不敢束之高閣雖
不求甚解或亦略知其梗概及科舉旣罷百家
繼出汗牛充棟較之入股時代又寬而遠矣雖
然五洲至大書藉頻繁博學者自能觀之裕如
下此者或忽近而圖遠難乎易乎若夫髫卯年
齡其學必由近而及遠庶得進學之階也前覽
學章有鄉土各科凡在童蒙必由是以誘掖誠
先聖行遠自邇之道焉

嶼品陳君余親誼也成童時卽能披覽郡邑志乘

旣冠潛心舉業甫遊庠而制科罷因而贊辦振
德學校於其梓里可見留心學務克謹克勤其
鄉土諸作均藏於家其最可惜者潮郡鄉土地
理志一書經稟司而未登諸梨棗至余索觀諸
書則曰姑抄成帙俟質將來未敢問世再三愆
息始示是册拜而讀之謂不獨便於童蒙也惟

其裨益於幼穉者功倍豈可不俾之流傳耶爰
爲付匠并爲略舉顛末於簡端

時

中華民國乙卯年古清明日同鄉蘇南蓮陽余鏡
涵拜題



序 是書胡爲乎作述也
爲講鄉土之衛里建
置本地地先賢之祠廟
前人之嘉言懿行迷述
也然著述之事明者
能之余何人斯敢易
言哉特不過披閱志

乘隨筆存書於
老成人尙俟折衷於
小子輩或有小補叶
以韻字名曰韻言而
掛一漏萬之譏余知
不免焉手抄成帙冀
核將來因誌數言以
表鄙意

中華民國乙卯年夏
之六月中澣日岱美
山人自叙於烟墩山
東之待峕臥房



凡例

是編悉依邑志其或與潮郡同者不再贅及
是編純用四字爲句爲章蒙計也

是編之述舉地理而歷史格致畧含其中

是編各課附以攷証俾易依據

是編逐課纂述爲振德學校課本稿尙未定
俟質方家

是編分課四十合潮州鄉土韻言一册一百

二十課

統計一百六十課適爲初等學堂四年每週
一點之用

嶧岳陳 澎識



澄海縣鄉土韻言

岱美陳 泐纂

課一 原起

惟吾澄邑。古關望司。沿海鎖鑰。創自明時。徵諸志乘。往事可知。建置沿革。歷歷言之。

關望巡檢司。明洪武二年建於芒尾村。嘉靖四十二年移建南洋。至康熙三十八年缺裁。

課二 舊屬

唐虞南交。三代揚裔。秦漢揭陽。海陽晉置。

宋亦揭陽。元海揭地。建乎有明。始制縣治。

唐虞時南交。三代揚州之南。齊秦南海郡之揭陽縣。漢三國揭陽縣。晉咸和六年。析置海陽縣。先屬東官郡。後屬義安郡。宋齊梁陳隋唐五代因之。宋宣和六年。析海陽置揭陽縣。元海陽揭陽二縣。明成化四年。既析海陽置饒平。嘉靖四十三年。復析海陽上中下三都。揭陽鮑蓬鱸三都。饒平蘇灣一都。置澄海縣。

課三 沿革

鮑古揭陽。有明始置。上中下都。原海陽地。鮑浦鱸蓬。揭陽舊治。厥惟蘇灣。由饒析隸。



課四 遷復

康熙初年。邊海寇多。築堤濱海。民遷內阿。盡裁全邑。戍卒張羅。王周兩院。展復民歌。康熙元年。以邊海多寇。差科爾坤等巡勘海濱。築小堤為界。令民遷入界內。三年以海寇未息。又差伊里布再行巡勘。遷去上中下。鮑蓬繼六都。僅存蘇瀛一都。五年遷去。全縣畢裁。設墩臺戍卒守之。七年巡撫王來任總督周有德繪圖奏復。

課五 位置

澄邑轄地。潮郡東南。依山瀕海。位置可探。

卑窪地勢。韓江下流。藩屏嶺表。門戶潮州。

課六 星野

粵入牛度。分邑及澄。牽牛之分。星野可明。莫謂彈丸。莫關天象。考驗古今。彰彰可見。

(地理志)粵屬牛女分野澄為牽牛之分。

課七 疆界

三嶼東界。菴埠西環。放鷄南限。隆眼北關。袤八十五里。數班班。廣里三十。是其區寰。

東至海岸十五里。至海面饒平三嶼界六十餘里。西至海陽菴埠。

界十五里，南至海岸二十里，至海面潮陽放雞山界四十里，北至饒平隆眼城都界四十里，廣三十里，袤八十五里。

課八 統轄

按澄境土。兩分其鄉。上中下蘇。懷德其方。延德西南。鮑蓬鱷是。統計七都。我澄轄地。

課九 形勢

東環大海。西瞰田寮。砂富前護。洋隴後超。澳山左峙。馬耳南朝。南北水繞。形勝堪描。

(周行建置圖序) 東至大海，西瞰田寮，龍田前襟，外砂富砂諸村。

後帶南洋東隴諸堡，北有蓮花峰為之肩背，南有馬耳澳為之屏翰，南澳諸山峙其左，華富諸山峙其右，南北二水之分流，萊蕪侍郎之鼎峙，實為濱海勝地。

課十 氣候

陰少陽盛。寒燠不時。生物常早。肅物常遲。更有鳴洋。時或震動。西雨東風。証驗不矇。

盛陽之地陰氣不凝，王天性云：生物常早，如正月桃李華，二月螻蝻鳴，蚯蚓出，王瓜生，苦菜秀之類，然生而不力，氣太宣泄也，肅物常遲，如十月禾乃登，水始涸，蟄蟲坏戶，草木黃落之類，然肅而不嚴，氣不收敛也，又海中有鳴洋，時或震動，如雷鳴，鳴東則風鳴西。

則雨息則霽，海人常以爲驗。

課十一 風俗

冠婚喪祭。五禮克遵。奢華俗尙。淫靡風存。
鬼巫是信。演劇爭繁。時開鬪鬩。古道難言。

冠婚喪祭，故家右族遵用文公家禮，又邑俗尙鬼喜淫祀。

課十二 都鄙

十九十七。村住下中。十一上外。四九蘇充。
廿八廿二。惟鮑及蓬。鰲浦十五。版圖可通。

（下外都十九村 關望、南嶺、嶺亭、詹萊港口、仙家、信寧、崑美、外埔、

東湖、埔尾、田寮、尾埭、上埭、埭頭、尾、上窖、下窖、田中仔、冠隴、（中外都十七村）華富、峯下、內隴、北隴、官湖、下坑、上坑、石牌、斗門、山邊、東頭、石斗坑、馬頭、新溪、後溪、渡頭、仙人橋、（上外都十一村）東林、洪橋、橫隴、莊湖心、林湖心、許湖心、溝頭、南界、薊林、曲池、夏塘、

（蘇灣都四十九村）（南洋）即蓮陽（神洲）即洲仔（程洋崗）

（潛溪）即前溪頭（東前溪）（寺後）（雲溪）（管隴）（窖尾）（仙

美溪）（董坑）（梅洲）（仙門）（塘隴）（里美）（梅浦）（仙市）（海

岱）（埭頭）（岱美）計上中下（銀砂）（南砂寨）（和洲）（雲浦）

（南畔洲）（平樂埔）今廢（東里）（西隴）（水寨）（日窟）（塘西）

（樟林）（鴻溝）（鹽灶）（壇頭）（頭充）（陶峯）今廢（渡亭）（蔡厝

寮）（新寮）（陳厝洲）（溝內）（港嘴）（潮港）（盛洲）（灣輿村）

計東南北（北村）（南村）即海後（余厝寨）

（蓬洲都二十八村）大牙、富砂、沈洲、東隴（廢）西隴（廢）內隴、外砂、下埔、橫窖、漁洲、蛋家園、石厝隴、鷗汀背、浮隴、東墩、吉貝隴、林鐵隴、寮塢、砂尾、西窰（廢）官埭、打鐵洲、流尾、溪東、西隴、赤窖、岐山、洋邊（鮑江都廿二村）西隴、溪東、鮑浦市、流合嶺、港尾、下底、大井、大塲、天港、箔子（廢）沙浦、蓮塘、西埕（廢）舉橙、小坑、所內、北門外、港尾、西園隴、西嶺頭、新寮、八斗北、山寮、潯泗（鮑浦十五村）園前、長橋、溝頭、月浦、上中下寨、前洋、新渡（廢）小山兜、西隴、紫服、菜園（廢）湖頭市、水吼橋、瓦尾（廢）沙溝、山兜、厚隴（廢）

課十三 戶口

十二

地廣人衆。南北蘇區。次蓬次下。次鮑江都。及上外數莫相逾。得數最少。中外版圖。

（澄邑七都）蘇灣最廣人口一十四萬五千五百七十四，蓬洲次之，人口九萬五千四百二十，鮑江人口三萬一千五百五十，鮑浦一萬四千六百一十八，上外一萬四千四百二十四，下外八萬九千六百四十二，中外一萬一千二百五十六，全邑合計四十萬零二千四百九十二，外汕島商埠計三萬六千八百五十一，就最近調查戶口錄入。

課十四 路程

七二七十七。京師路程。千零七十。省陸南行。

千七一十。水路可明。里數六十。西北郡城。
京師七千二百七十里，南路由海豐一千零七十里，水路由梅州一千七百一十里，西北至府六十里。

課十五 官制

民國肇造。百度維新。知事蒞邑。審判治民。
分區警察。兵弁森陳。文武兼備。禁令重申。
縣舊制分三屬，蘇灣隸樟林巡檢司，上中下都隸於典史，鮫蓬隸隸於鮫浦巡檢司。民國改元設知事於縣治，設初等審判廳於汕頭，各都分區設警察長。

課十六 吏治

行人李鳳。蒞政清平。尙靜平寇。邦奎安城。
文灣平獄。元汴諮廷。諸多循吏。藉不勝登。

明李鳳蘇灣人，授行人司正，調長樂令，蒞政公平，吏民悅之。許尙靜蘇灣人，連城知縣，有平寇功，陳邦奎湖廣蘇州知府，張猷忠寇楚，奎以書生治兵事，斬州獨安，鄭廷魁字文灣，福建按察使，平反冤獄，全活數百人，閩人頌之，謝元汴蓬州人，聞闖逆陷城，往杭歸福王，王大奇之，凡事皆諮之，其餘如李日煒林喬松袁濫黃裳均稱循吏。

課十七 文人

澄地雖小。代有文人。賢書首列。品望可珍。
王彰首解。繼起謝陳。梁莊先後。鄒魯海濱。

明王彰宣德乙卯賢書第一。陳思謙嘉靖乙酉第一。康熙辛酉梁日映崇正己卯。謝宗鎰康熙辛卯。陳春英癸巳。莊論均第一人。

課十八 理學

道宗孔孟。學受良知。薛侃爲友。陽明是師。
林文踐篤。海涯名馳。仁卿理學。嶺海表儀。

林文蓬洲人。與薛侃陳明德從王陽明於虔州。受良知之學。明德與薛侃講學金山。一時學者翕然宗之。號爲海涯先生。唐仁卿字

伯元。學本二程。爲嶺海士大夫儀表。

課十九 名宦

有明草創。首仰周公。神山視事。治績尤崇。
湘潭山長。民頌其功。顧左錢魏。遠播庠風。

周行福建舉人。嘉靖四十二年。始議以關望司置縣。蔡楠福建舉人。隆慶戊辰蒞任。公廨未就。蒞事神山。士民愛戴。王岱號山長。湖南湘潭人。宰邑。抑強裁猾。釐奸剔弊。興學造士。風俗一新。顧奕潔已。愛公。左承芳有惠績。錢夢松修東湖堤。民賴其功。魏仕傑多香政。以上俱祀名宦。

課二十 武功

桓桓武士。志在從戎。功成淨匪。攀桂飛鴻。
海寇願見。陳勇雄風。更有錢浩。平苗立功。

陳攀桂下外人。補澄協時。搜捕洋匪。余飛鴻蘇灣人。緝捕洋匪。陳勇下外人。與海寇江倫戰海上。餘盜被搶。皆譁然呼曰。魁一見陳某而死。帥出勇示之。羣盜相覷。嘆以爲神。陳錢浩平柳州苗蠻。

課廿一 忠烈

抗節不屈。蕭公時豐。護郡求默。生長溪東。
者高辭貢。行歌苦衷。我澄忠烈。實有可風。

蕭時豐鮐江人。崇正進士。甲申之變。抗節不屈以死。陳求默鮐江

溪東人。嘉靖時郡多寇警。郡中紳士薦求默護郡。陳者高甲申。應貢不就。行歌於市。歌已復泣。人以爲狂。署其門曰。世人皆無吾。豈獨有。世人皆亡。吾豈獨存。遂閉門餓死。

課廿二 高士

復古辟穀。許慎結廬。文蘭遜迹。佳相隱居。
守鑽避貢。偉士澹如。高士其行。潔清其趨。

吳復古作遠遊庵於麻田山中。絕粒不食。求出世之法。許慎蘇灣人。不樂仕進。結廬蓮花山麓。躬耕而食。蔡文蘭下外人。甲申之變。更名遜迹。林佳相下外人。甲申亂後。結廬隱居。有世外之志。陳守鑽邦奎子。甲申當貢不赴。陳偉士隱居關望。勢利澹如。

課廿三 傑出

緬甸滅暹。在乾隆朝。藉立恢復。是為鄭昭。國王封立。繼華其苗。是人之傑。豈梁之跳。

(瀛寰志畧) 乾隆中、暹羅為緬甸所滅、旋恢復、推立大酋鄭昭為長、子華嗣位、封為暹羅國王、按昭或以為華富村人、

課廿四 著述

金臺雲中。著自王子。詩經臆說。九敏蔡氏。石經大學。伯元名理。或行或藏。均有奧旨。

明王彰著金台集雲中藁、蔡肇仍字九敏、著詩經臆說、唐仁卿著

石經大學

課廿五 書畫

葉公國英。蘭菊楷隸。余氏季藩。書畫莫次。師自翁銓。陳黃繪事。古人摩詰。亦不過是。

葉芝字國英、工行楷小隸、兼善蘭菊、余章文字季藩、工書畫、黃璧陳瓊同師翁銓、兩人皆盡其傳、名並一時、璧性高傲、操行尤潔、瓊性和易、有求皆應、

課廿六 商埠

汕頭東里。莫盛於今。湖頭鮫浦。冠隴樟林。

南洋鷗汀。南關物備。或爲鎮埠。或則村市。
課廿七 民業

扣圈牽罾。放湖挨緝。圍箔掌桁。水利是拾。
漁七耕三。乃其俗習。蔗廠灰窰。時逮鄉邑。

課廿八 名山

冠山留勝。獅子刻詩。龍船講學。石鼓傳奇。
潯洄避亂。三髻多姿。蓮峯邑辰。水吼大池。

冠山一名神山。城西北十里。冠隴鄉。高十一丈。周七百餘步。較邑

中諸山最爲低小。然峰壑峭秀。草木榮敷。實甲諸山。明隆慶三年。邑令蔡楠闢之。山之最高處。有觀日峯。呼龍塢。其下岩壑幽邃。爲攻玉洞。通仙岩。下細流涓涓。清冷可掬。者爲仙巖第一泉。其餘勝概。有仙人石。應礪石。出米石。大士石。金龜石。仙龍橋。僊江紅葉池。池之上有朱晦翁祠。祠右爲冠山書院。外又有躍龍橋。又十景曰。海輪初昇。寒泉時湧。院堂一鑿。桂閣三台。仙巖凝碧。玉洞含烟。龍塢疏篁。虹橋流水。禪樓倒影。山麓懸崖。獅子山。亦名神山。城北二十餘里。高七十丈。周二里。形如獅子。故名。上有宋哲宗時鹽場官李前刻石詩云。築堤開井。易通津。神宇鹽亭。又鼎新。力小但能支五事。增光更俟後來人。龍嶺縣北三十里。陶峯村。高十丈。周三里。宋末郡人陳肅講學處。上有石龍寨。元季漳寇陳弔眼築。南峙

山一名觀音山、高百餘丈、周十餘里、南澳峙左、海水蕩前、上有塔山寺、宋紹興三年建、麓有石鼓、潯洞山、亦曰巡梅山、城西南五十里、突起海中、接潮陽界、高六十餘丈、蜿蜒十餘里、有甘泉奇石、岩中可以避亂、三髻山、城北二十里、董坑村、高一白丈、周四里、三峯欵立、騰倚多姿、麓有資福寺、蓮峯、蓮花山、城北四十里、高三百餘丈、周十餘里、山勢雄嶽、奔放五峯、巒岒若蓮、故名、又名白石山、絕頂一玉井、腰有天池、北界界信寧都、南連龍船嶺、東面障海、西瞰郡城、高壓諸山、爲縣治後、辰水吼山城、西北十三里、許石山、北高二十丈、周三里、上有天池。

課廿九 大川

十八

環城外內。玉帶三川。雙溪鮑濟。山尾飛錢。
大洲旗嶺。溪東牛田。東南海岸。水勢淪漣。

玉帶河、城北一里、寔繞縣城、三川溪、在城內、北由水關入濟王橋、達龍潭橋、抵眞君廟、長一百丈、外通玉帶河、雙溪口、城西南二十里、在鱷浦都、北通庵埠、南出溪東港、合梅溪、庵埠水會而爲一、故名、山尾溪、城北十五里、宋以前未有此溪、哲宗時、李前始鑿、程洋崗北畔爲溪、上通韓江、東行十五里、至神山前、會水寨溪入海、飛錢港、城北十里、南洋村、相傳港中錢飛、故名、鮑濟河、城西南五十里、屬鮑江都、故名、明翁萬達倡議開鑿、大洲港、城北二十里、南洲村、旗嶺港、城北二十餘里、南洲村、合東里港爲一港、溪東港、城

連

詩

西南四十里、與沙汕頭炮臺東西相望、牛田洋城西南四十五里、西受揭陽南北二溪之水、東南通海、多魚蛤之利、海距城二十里、東遺閩越、南通廣惠瓊崖、及諸島彝之境、宋陸秀夫張世傑擁帝舟至此、楊萬里翻云、身行島北新春後、眼到天南最盡頭、

課三十 鐵道

鐵道之設。起自汕頭。逕達鯉浦。水吼沙溝。光緒甲辰。始行興築。上逮郡城。汽車往復。

鐵路由汕頭起經鯉浦都月浦沙溝水吼湖頭市諸鄉達海邑南桂都上至郡城長九十里。

濱

課卅一 阨要

瀕海扼塞。東曰萊蕪。樟林港口。海舶所趨。蓬洲所地。海海要區。通商汕島。南海通途。

課卅二 古蹟

甘泉出井。遠遊名庵。白塔寺古。水寨城淹。來賢濟川。化日跡探。仙門別業。中舍名潭。

甘泉井、蓬洲都漁洲村、形方面平、泉從石罅出、遠遊菴、在麻田山中、宋吳復古辟穀處、蘇軾曾問養生於復古、并作庵銘、白塔寺城北水寨城左、久廢、來賢驛在蘇灣、宋知州趙師宥建、今廢、濟川橋

在蘇灣，師岩建黃子佃山，一名覆盆，又名龜山，城西北八里，華富村高二十二丈，周二里，前臨大溪，宋太子避元兵過此，設行在，因稱北殿，山後人掘地得石碑，大書光天化日四字，唐伯元別業，有桂一株，因名浴桂軒，在仙門鄉鳳山麓，中舍潭，冠隴鄉，盧中舍築，遠近賴之，呼中舍潭。

課卅三 祠廟

功德及民。春秋典祀。食報宜先。昌黎韓子。
程周何王。陸樊陳魏。功德懷德。馨香靡既。

韓祠祀韓文公程祠祀道明周祠祀太守碩勳何公敢復配祀韓祠王公廳卽尊育書院祀王公岱王祠祀明邑侯嘉忠陸祠祀丞

相陸秀夫樊祠祀知縣永底陳祠祀知縣科軾魏祠祀明知縣仕傑功德祠祀邑紳楊參議鐘岳在外埔懷德祠祀王別駕天性外砂鄉。

課卅四 寺觀

靈韓證果。龍潭湧泉。神山雲水。丹砂寶蓮。
覺修善應。大第朝峯。資福最古。舊跡留蹤。

靈韓寺（前溪）證果寺（鷓汀）龍潭寺（縣治）宋時建丹砂寺（程洋崗）小虎邱山麓明成化間建湧泉庵（華富）西山麓地有湧泉鄉人常以癆病雲水禪寺（大牙溝墩）寶蓮（蓬洲）所內神山寺（冠隴）神山麓覺修（外砂）善應菴卽新菴（城內）大第菴。

城南十里、臨上窖堤、朝峯菴（外埔）資福寺（三巒山麓）五代晉天福三年建、清初移於董坑村、

課卅五 怪異

墓中生子。華坑之山。冠山寨石。出米多般。六御妻鬼。奇緣攸關。是亦諸怪。迥異人寰。

宋時有洪氏嫁為上外菊池黃漸判之子中亨婦、亨十四歲、補博士弟子員、疾卒、洪氏方娠一慟而絕、家人舁葬華富山、至華坑山南、陰霾蔽天、狂飆四起、陷地成墳、人駭其異、越二日、氏墳中生子、世因呼為黃鬼子、冠隴寨吳氏屋後、有出米石、王六御閩省諸生、事詳邑志、

課卅六 物產

邑中產物。潮郡畧同。若五穀屬。潮揭胥通。魚鹽蜃蛤。利資海中。厥惟樟菫。更甲粵東。

邑中物產與郡大畧相同、惟樟林之菫、甲於東粵、

課卅七 防海

澄地沿海。港汊多門。鮑蓬蘇鱸。下外要援。港分十二。防要事繁。上中內地。稍為平原。

東隴港、旗嶺港、飛錢港、大洲港、蓬子港、蘇灣要防、南港、北港、（下外要防）新港、東港、西港、大港、溪東港、（鮑蓬鱸要防）

課卅八 大勢

澄雖褊小。潮郡要區。歐人東渡。汕島衝途。揆厥後日。南部中樞。海禁既徹。大勢所趨。

課卅九 總結


澄雖褊小。文化日開。文明步進。商戰業恢。爰稽往事。以冀將來。願吾澄人。各宜勉哉。

課四十 附意

鄉土韻言。述而不作。言雖未文。事有可著。

地理明徵。歷史其畧。生植地宜。理科所託。





中國書店標價章

冊數	定價
1	1.00